

Pääle nakkasõ' Uma Pido lauluproovi' naisilõ nurmõlt ja miihile mõtsast!

Tulõkil om tõnõ võrokeeline laulupido Uma Pido! Seokõrd sõs Põlvan Indsikurmun 29. mail 2010. Et naisi ja miihi laulu häste kuulda' olõssi, oodõtas naisi ja miihi, kiä egäpäävõtset laulman ei käü', võrokeelitsit laulõ opma!

Oodõtas lauluhelüga naisi ja miihi nurmõlt, mõtsast, küläst ja liinast, noid, kiä tüütlatsõ/poiskõsõna vai tudõngina vai ka ildampa omma' koorin laulnu, a parla ei laula'; niisamatõ segäkuurõ ja -ansambliide naisi ja miihi. Nii pandas kokko projektkoori' "Naasõ' nurmõlt" ja "Mehe' mõtsast" Umal Pido laulmisõs. Oodõtas kõiki, kinkal om lauluhellü, noodi perrä laulmisõ mõistminõ olõ-i tähtsä! Opitäs är' naisi- ja miihikuurõ laulu' ja naisi/miihi osa' ütiskuurõ laulõn Umal Pido laulmisõs. Taa ettevõtmisõ mõtõ olõ-i kokko saia' vahtsit kõikaig kuun käüvit kuurõ, a panda' naisi ja miihi helü' pidol kõlama.

Naasõ' nakkasõ' har'otama eräle Põlvan ja Võrol. Egäüts piässi valima hindäle parõmba kotussõ. Põlvan tegeles vahtsidõ lauluhimoliisi naisiga Põlva naisikoori Mai dirigent Saidi Tammeorg ja Võrol naisikoori Kannel dirigent Helga Ilves. Naisi edimädse' kokkosaamisõ' omma':

Iispäävä, 9. novembril kell 18.00. Võro Kultuurimajan Kannel.

Tõsõpäävä, 10. novembril kell 18.00. Põlva Kultuurikeskusen.

Nurmõnaasõ' tulõva' kokko seo aastak viil 7. detsembril Võrol ja 8. detsembril Põlvan. 2010. aastal jakatas pruuvõga kooni Uma Pidoni kõrd kuun.

Miihi laulmist võtt iist Andres Määr, kiä om nii Võro ku Põlvamaa miihikoori üts dirigentest. Miihi laulmisõ man om veidü muudõtu edimäst plaani tulla' naisi muudu kokko eräle Põlvan ja Võrol. Tuu asõmal saias kokko "keskpõrmandu pääl" Vanah-Koiolah. Miihi edimäne kokkosaaminõ om:

Pühäpäävä, 15. novembril kell 16.00. Vana-Koiola rahvamajan.

Mõtsamehe' tulõva' seo aastak kokko Vanah-Koiolah viil 6. detsembril. 2010. aastal jakatas pruuvõga kooni Uma Pidoni kõrd kuun.

Edimädsel kokkosaamisõl tetäs helüpruuvi, et saia' teedä' määnest hellü kiäki laul ja proovitas kuun laulmist. Tunn aigu ildampa tulõva' mano' dirigente koori' ja naatas pääle Uma Pido laulõ har'otamisõga. Dirigente juhitaividõ kuurõga kuun laulminõ ei tii' vahtsilõ lauljilõ kohustust kuurõ muust tüüst ossa võtta.

Teedüs Saidi Tammeorult (tel 5097391), Helga Ilveselt (tel 5283549), Andres Määrilt (5284859) ja Uma Pido kodolehe päält www.umapido.ee.

Tulõ' esi ja kutsu' sõbõr vai tutva kah üten! Ku arvat, et Su kodokiil om illos ja ku olõt uhkõ uma kodokotussõ üle, sõs tulõ' ja avita' taad tervele ilmalõ näüdadä'!

Laul hoit naasõ' ilosa' ja mehe' kimmä'! Näemi laulman!